

Marcelli suffragantem opinioni, funeris causam ab ipsa monumento exstructione longè diversam judicantis, *nec ita monumento adificationem necessariam esse, ut sit funus ac sepultura.* Hęc verba, prout jacent, de monumento quidem loqvuntur, qvin tamen ad sepulchrum etiam applicari possint, nil video, quod obstet: præprimis cum *Ulpianus in l. 14. §. 3. de Religios. & sumt. fun.* eandem ferè de Sepulchro habeat decisionem. Sepulchri itaq; nomine ipse locus, in quo demortui hominis cadaver reconditur, intelligitur, Sepultura autem ipsas exequias seu funus & solennitates in efferendo mortuo more cujuslibet civitatis receptas denotat. Ego sepositâ pro ratione temporis & aliis relicta posteriori sepulturæ materiâ sepulchri privilegia ac jura latiori digna judicavi pensatione. Ad eam verò anteqvam progrediar, absolvenda ipsius sepulchri nominalis, nec realis deinceps, quamvis paucissimis intacta relinqvenda definitio.

V. Non paucis reperio insignitum nominibus sepulchrum; Illa saltem hęc annotasse sufficiat, quibus ipsi usi sunt JCti. Non rarò in jure nostro occurrit vox *Monumentum*, quo tanquam generali nomine ipsum etiam comprehendi solet sepulchrum, teste *Florentino in l. 42. de Relig. & sumt. fun.* In cujus causam & originem hęc inquirere placet. Etsi verò non diffitear, id quod ab *Hadriano in l. 37. §. 1. de t. positum est*, rejiciendum penitus non esse, dum monumentum à muniendo deducere videtur, quod causa muniendi ejus loci factum sit, in quo corpus reconditum est; Non tamen dissimulare possum, me sententiæ *Varronis l. 5. de lat. ling.* à monendo derivantis facilius subscripturum esse. Cum eam ipsi Eloquentiæ Principi Tullio in Epistolis haud displicuisse sciam. *Sed ego, inquit, quæ monumenti ratio sit nomine ipso admoneor, ad memoriã magis spectare debet posteritatis, quam ad presentis temporis gratiam.* Paulò accuratiori etenim mente hęc reputanti in apri-co videre est, hanc deductionem ipsi non modò vocabulo magis convenientem esse, sed ipsam quoq; nomini rem sic optimè respondere. Si quidem monumenta propterea existimârim inventa, hodieq; usu servata, ut vitam, quam defun-

tus